

# نور کیا بو بولک ملت مجلی

## ضبط

یتمش درد مجی اجتماع

مندرجات

اوراق وارده

غائب ، غیر مآذون مبعوثلر حقنہ کی تقریرک مذاکرہ سی ،  
سکنا قانونی حقنہ مذاکرہ .

برنجی جلسہ

رئیس : رئیس ثانی دو قور عدنان بک افندی

کاتب : عاطف بک (قصری) ، ر اغب بک (کوتاہیہ)

۱۱ یول ۳۳۷ - بازار ابرتسی -

واردر . او قونسون اوکا کورہ مجلس عالی برقرار ویرسون .

ریاست جلیلیہ

مجلسک تاریخی آنلرنہ مجلسک قراری خلافتہ  
غائب ، غیر مآذون آرقداشلر بولونماسدن دولایی علی  
جلسہ لردہ ساعتلرجه چالیمان چینغراغہ و قوریدورلردہ  
خدمہ نک دولاشمالرینہ مقابل آنجاق اکثریت ممکنہ حاصل  
اولہ بیلیمکدہ . شو حالہ قارشى مواد آییہ نک تحت  
قرارہ آلماسی تکلیف ایلرز :

۱ - غائب ، غیر مآذون اولهرق مجلسدن افتراق

ایدن آرقداشلرک ایکی کون طرفندہ تحقق ایتدیریلہک

اسملرینک جلسہ علیہدہ قرائت ایدلمہ سی .

۲ - غائب ، غیر مآذون آرقداشلرک همان

مجلسہ التحاقلری ایچون کندیلرینہ تاخراف ویرلمی

رئیس - افندم! اکثریت حاصل اولدی . جلسہ سی

آچیورم . (ضبط سابق خلاصہ سی قرائت اولندی )

افندم! ضبط سابق حقنہ سوز ایستہ یارمی ؟

وهی بک (قرہ سی) - افندم! مجلس عالی نک بکرمی

دقیقہ ، یازیم ساعتی ضایع اولدی . بو علی الاصول یوقلمہ دن

هیچ بر فائده اولمیه جقدر . بیلورزک : ایچمزدن بلا مآذونیت

مجلسہ دوام ایتدینلر واردر . بو کبی غائب غیر

مآذونلر حقنہ دیوان ریاستک نہ یابدیغی بو

یوقلمہ دن بر فائده اولوب اوندیغی اوکرمک ایستہ یورم .

(بونک حقنہ بر تقریر واردر رئیس بک ! سسلری )

رئیس - افندم ! غائب ، غیر مآذون اولانلر حقنہ

دیوان ریاستک پایه جنی معاملہ نظامنامہ دہ مصر حدر .

محمد شکرى بک (قرہ حصار) - بر تقریر من

۳ - غیوبت ایتدکاری کونلر ایچون مخصوص ایتدکاری  
 قطعی تکلیف ایلر . ۱۱ - ایلول - ۲۳۷  
 قره حصار صاحب مرعش قره حصار صاحب  
 خلوصی محمد رجب محمدشکری  
 قره حصار شرقی منتشا قره حصار صاحب  
 علی سروری ادهم نبیل  
 رئیس - افندم ! مساعده بیورورسه کز عرض  
 ایدیم . بوراده اوچ ماده وارد . برنجی ماده دیوان  
 ریاستجه پایلیور . مآذونیتی بیتین آرقداشلره تلغراف  
 چکاسون . دیورکه : مآذونیتی اولایان و مآذونیتی بیتین  
 آرقداشلر بوراده اثاب وجود ایتک اوزره تلغراف  
 چکلمشدر . بوراده بولمه دقلری زمانه عائد تخصیص ایلری  
 ویرلیه چکدر . اذنسز کیدنلرک تاریخ انفکاکلری ریاستجه  
 معلوم دکدر . ( بو نصل تحقق ایدم چکدر سسلری )  
 رئیس - مساعده بیورک ایلک جلسده بولنماشدر  
 بللی در .

رأسم بك ( سیواس ) - نظامنامه داخلینک ماده سنده  
 بر اعضا بربری اوستنه اوچ اجتماعده موجود اولمازسه  
 اووقت قسط ایوم پایلیور دیور . حالوکه : بو برنجی بوقلمه در .  
 بویوقلمه ده موجود بولنمایان اعضادن قسط ایوم پایلاما زافندم !  
 بر مبعوث بك - بر دفعه اذنسز کیدنلر وارد . برده  
 بوراده اولوبده مجلسه کله نلر وارد .

رأسم بك - بوراده بولنمایانلردن قسط ایوم پاییه جقمی در ؟  
 مسئله بودر . افندم ! دیوان ریاستدن بر هفته یارام ایچون مآذونیت  
 استحصال ایدوب مآذونیتی کچیر مشار وارد . بوکون بویوقلمه  
 اجرا ایدلی . اونلر بوراده بولمه دقلرندن طولای  
 قسط ایوم اجرا ایدیه چک . فقط هیچ بر فائده نی  
 انتاج ایتمز .  
 رئیس - ذاتاً تخصیصات آماز که افندم ( نه سیله چکیز  
 افندم سسلری )

راغب بك ( آماسیه ) - رأسم بكك افاده سنه  
 نظراً موجود اولمایانلرک تاریخ عزیمتلی معلوم اولمادیغی  
 آ کلاشیلور . یوقسه بو تثبیت ایدلسون .  
 رئیس - بونلرک تثبیت ایدلسی قولاید .

حقی حامی بك ( سینوب ) - غائب ، غیر مآذون  
 اولانلر حقنده یالکز بوکون اجرا ایدیلن بوقلمه  
 اساس اتخاذا ایدیه چک اولورسه ظن ایدیم  
 بونده حقمنزاق اوله چقدر . عرض ایدیم : اک بحرانی  
 زمانلرده بوراده بولنوبده حسن حال علامتی کورولدکن  
 سوکره حسب الضروره کیدن بو کونکی بوقلمه ده بولنمایان  
 آرقداشلر حقنده قسط ایوم پاییلیمه سی موافق دکدر . بناء علیه  
 دیوان ریاستک دوشوندیکی شی بك دوغریدر . دیوان ریاست  
 کیملرک تجاوز مدت ایتدبکنی بیلیور . مجلسه اتحافلری  
 یازمشدر که بو باطع دوغریدر . بوقریر و بویوقلمه اوزرینه  
 قسط ایوم پاییه چک اولورسه موافق اولماز .

یاسین بك ( عینتاب ) - دیوان ریاست غائب ، غیر  
 مآذونلر حقنده کندی کندی کندی کندی قرار ویرییور . مجلس  
 بوندن خبردار دکدر . دیوان ریاست غائب ، غیر مآذونلر  
 حقنده ویرمش اولدیغی مقررانک نتیجه سی مجلسه عرض  
 ایدرسه مسئله بیتمش اولور . بونک رایه وضعی تکلیف  
 ایدیم . تقریر عرض دده بونی عرض ایدیوروز . لطفاً بونی  
 بر آن رایه وضع ایدیکز .

رأسم - افندم ! بوراده بر ماده وار . دمین عرض  
 ایتدیکم وجهله ، مثلاً : مآذونیتی بیتمش اولانلره تلغراف  
 چکلمشدر . یالکز غائب ، غیر مآذونلر حقنده بر ماده  
 قالیور . اصل مسئله اوراده در .

مساعده بیورک بونی رایه قویمان اول ایضاح ایتک  
 ایسته یورم . غائب ، غیر مآذون هیچ بر صورتیه مجلسدن  
 مآذونیت آلمان کیتک دیمکدر . فقط مدت مآذونیتلری  
 کچیرمش اولانلرک اسامیلری او قومق لازمدر .  
 ( خایر ، خایر سسلری ) مساعده بیورک آ کلابم . اصل مسئله  
 بر دفعه مجلسده بولمه دقلرندن مقصد نه اولدیغی بیلیمه یورم  
 بناء علیه شمدی مقصد یالکز غائب ، غیر مآذون  
 اولانلر می ؟ یوقسه مآذونیتی کچیرنلری در ؟ ( هر ایکسیده  
 افندم سسلری )

خسرو بك ( طبرزون ) - نظامنامه صراحت وارد  
 ۱۸۶ نجی ماده ده غائب ، غیر مآذون عد اولنان مبعوثک  
 غیوبیتی معذرت مشروعه یه مستند اولمادیغی حالده اسمی

غزیه درج ایله اعلان اوتور دیور . احتمال که :  
آرقداشلرمن خبردار اولدقلری ایچون ویا معذرت  
مشروعسی اولدینی ایچون بولنماشدر . اذن آلوده  
مدتی کچیرنلر وارسه طبیعی مخصوصاتی قطع ایتملدر .  
یوز آلتش طقوزنجی مادهده مآذون اولیهرق غیوبت  
ایدن مبعوث مدت غیوبتی ومدت مآذونیتنی تجاوز  
ایتدیرنلرک دخی کچیرمش اولدقلری مدت مخصوصاتی  
قطع ارنور دیور .

شکری بك ( قره حصار ) — آرقداشلر !  
هیکیز خاطرلارسکیز که : بز حربک اک بجرانی زماننده  
مجلسک بورادن قیلمدایمیهرق اردونک آرقهسند  
بولنمنه وهیچ بر کیمسه نک بزدن اذن آلمدن کیمهسنه  
قرار وبردک . بونک خلافنده مع الاسف بعض  
ضعیف قلبی آرقداشلرمن ظهور ایتدی .  
بونلر دیوان ریاستنده ، مجلسنده اذن آلمیهرق  
کیتدیله . ( طوغری سسلری ) بناء علیه بوکونه قدر بو  
ایش بویله کیتدی . شمدی مجلسدن مآذونیت آن  
آرقداشلرمن بولوندی . اونلرک معذرتلرینی دیکله دک ،  
واذن ویردک . بونک خارجنده دیوان ریاستدن برهفته  
مآذونیت آلهرق کیدنلر بونی تجاوز ایتدیره رک اون هاون بش  
کون قالدقدنصرکه کان آرقداشلرمن بولنمشدر . بناء علیه  
بند کز بوتقریری ویرمکن مقصدم او ناریچدن بوکونه قدر  
بلامآذونیت غیوبت ایدنلرک ویاخود دیوان ریاستدن اولدینی  
مآذونیتله کیدوب مدتی تجاوز ایتدیرن آرقداشلرک اسملرینک  
بالی اولماسی وضبطه کیمسیدر . تاریخی برقرار قارشوسنده  
وظیفه سنی ایفا ایتدیرنلرک ضبطده کورولمه سیدر . مقصدم  
بودر . ( براو سسلری )

حقی حامی بك ( سینوب ) — اقدم غائب ، غیر  
مآذون کیمدر ؟ بری طوغریدن طوغری به نه مجلس  
عالیکزدن ونده دیوان ریاستدن مآذونیت آلمیهرق کیدنلر ،  
دیگری مجلس عالیدن و دیوان ریاستدن اذن آلوب مدت  
مآذونیتی ختام بولدینی حالده مجلسه الحاق ایده مینلردر . شمدی  
مجلس عالیکزدن و کرک دیوان ریاستدن اذن المقسزمین  
غیوبت ایدنلر حقنده نظامنامه صریحدر . بونلر حقنده

قسط لیوم پاییلور واسملری غزیه ایله اعلان ایدیلور .  
فقطه کرک مجلس عالیکزدن و کرک دیوان ریاستدن  
مآذونیت آلوده مآذونیتی ختام بولدینی حالده مجلسه الحاق  
ایتمینلر حقنده پاییله حق مامله آنحق از اقدیرلرک مجلسه  
الحاق قریله معذرتلرینی اثبات ایده مدکلری تقدیرده حقندنه  
قسط لیوم اجر ایتمک ونظامنامه موجبجه اسملرینی غزیه  
ایله اعلان ایتکدر . هیئت جلیله کزدن اترحام ایده رم  
آرقداشلر کزدن بعضلری یعنی مآذونیتنه مستندآ ....

نییل افندی ( قره حصار صاحب ) — ایکی دفعه  
کیدوب کن واردر .

حقی حامی بك ( سینوب ) — یعنی مآذونیتنه مستند  
اولوب کیتمش . فقط مآذونیتنی کچیرمش و معذرتنه بناء  
مجلسه الحاق ایده مدیکتی مجلسه تاغرافله ویا سائر صورتله  
عرض ایدرسه و بوده هیئت جلیله کزجه تصویب  
ایدیله چکی جهتله بونلر شمدیدن غزیه ایله نشر ایدیله چک  
اولورسه ، بو مناسب اولورمی ؟ اونک ایچون رجا ایدرم ،  
اولا نفسمزه تطبیق ایدلم . اگر کندی شخصمزه  
قارشو بو کبی معامله نک یا بیلدسنی موافق کورمیورسه ق  
یاپلم . موافق کورمیورسه ق یاپایلم ، بو موافق دکلدر .  
هیئت جلیله کزدن و دیوان ریاستدن مآذونیت المقسزمین  
غیوبت ایدنلر حقنده نظامنامه نک همان تطبیق ، مآذونیت  
آلوده مآذونیتنی کچیرمش اولانلر الحاق قری آئنده معذرت  
مشروعلرینی اثبات ایدرک هیئت جلیله نک قرارینه  
توفیقا تجاوز ایتدیریلن مدتک معذرت عدی و تجاوز ایتدیر  
دکلری مدتی لمعدت کچیردکلرینی اثبات ایده مدکلری تقدیرده  
دیگر آرقداشلر حقنده یا بیلان معامله نک بونلرک حقنده ده  
تطبیق هیئت جلیله کزدن رجا ایده رم . ( خایر خایر  
سسلری )

رئیس — خلیل ابراهیم افندی بیورک .  
سری بك ( ازمیت ) — رئیس بك : مساعدده بیور .  
ولورمی ؟ کیری به کیدن آرقداشلرمن اوراده قهرمانلق  
نشیده سی یازیورلر .

خلیل ابراهیم بك ( اظالیه ) — مسئله هیمزجه  
معلوم دوام . ایتمینلر ، غائب ، غیر مآذونلر برده اذن الوده

بونك همچون چوق زجا ایدرم، مهم برقرار اتخاذ ایدم.  
بوندن صکره هر کس بوراده بحق وظیفه نی ایفا ایتسون.  
یوقسه اقدیلر! بومجلس هر حالده طاغیایر .

طونه لی حلمی بك ( بولی ) — طوراق بك أمين  
اولسونك دنيا طوز اولور . فقط مجلس طاغیماز .

وهی بك ( قره سی ) — اقدم انور کیا بو بونك ملت  
مجلسه اعضا اولوب كلن ارقداشلر و بونی قبول ایدن  
وبونك شرفنی طاشیان رفقای محترمه بونك اك تهاككلی  
آنلرنده ده بتون مسؤلیتلری اوزرلرنده طاشیانی درعهده  
ایتمشدر . بوندن هر هانکی صورتله نكول ایتك  
ویا خود اثر ضعف کوسترمك واقع اولورسه  
بونك جزاسی بنده کزجه تخصیصاتندن کسمك  
ویا خود غزته ایله اعلان ایتك دكل در ، بومسئله نك  
شوراده مذاکره سی لازم كلن جزا ایچون کافیدر .  
بنده کزجه مذاکره کافیدر . روزنامه یه کچه منده ما واقدر .  
بو جزا بنده کزه تطبیق ایدلسه ظن ایدم بوزادن  
چیقوب یشمایه جغمه قانع دكل .

تحسین بك ( آیدین ) — اقدم! بو کون یا یم ساعت  
یوقلامه ایله کچردك بر اعتمده اعضانك دوام مسئله سنه  
تعلق ایدن مسئله ایله مشغول اولدق . بو اعتبارله  
اعضالرك دواچی مسئله نی تأمین ایچون بوجلسه بزدرت  
بیك لیرایه مال اوله حق . اقدیلر! عسکرلرمنك یدکلی  
طاشلی وطوپراقلی اتمکلی کور بیورز . غرب چپه سنده  
مطرامزلقدن صومنز حرب ایدن بو ملت ، اولادینی ،  
قرده شی ، دامادینی عسکره ویردیکی ، آکونش آلتنده  
آقشامدن صباحه قدر حرب ایتدیکی حالده بزه هر آی  
ایکیشر یوزلیرا ویر بیور . حریده آیانغده چارینی صیرتنده  
ایسه سی اولمیان بو ملت بزه آیک بکر می سنده بو معاشی بوراده  
ویر بیور . بو کاه قابل هیچ اولماز سه هفته ده ایکی دفعه بر آدمک  
اجتماع ایتیه رك اثبات وجود ایتیه مسی نه قدر عبیدر بناء علیه  
تاریخ دولت مواجه سنده بو بویه قانی زمانلرده تهاککلی کونلرده  
مجلسی ترك ایدوب بلا مأذونیت غائب اولان ارقداشلر  
تشهیر ایدلملی ، غزته لر له اعلان ایدلملی در  
رئیس — سینوب مبعوثی حق حامی بکک تقریری وارده

مأذونیتی تجاوز ایتدیرنلر . بردفمه مأذونیتی تجاوز  
ایتدیروب دوام ایتیانلر حقننده نظامنامه داخلیمز اونی  
حل ایتمشدر . صوکره غائب، غیر مأذونلر مسئله سی :  
صوکره دن یا یمش اولدیغمز قانون موجبجه اوده حل  
ایدلمشدر . تکرار مذاکره سی موضوع بحث اوله ما ز .  
صوکره مأذونیتی تجاوز ایتدیرنلر، حتی اولنلرک معذرتی  
اولوب اولدینی بزه مجهول ایکن اونلری تجزیه ایتك  
ویا اعلان صورتیه معامله یا بمق طوغری دکلدر .  
بنده کز یا یمش اولدیغمز قانونه توفیقاً معامله کورملرینی  
تکلیف اید بیورم .

طوراق بك ( ارضروم ) — افسندیلر! بو مسئله  
تاریخی مسئله در . نظامنامه مسئله سی دکلدر . کچیردیکمز  
تاریخی کونلرده بوراده ضعف قابلیمک کوسترن ارقداشلره  
تاریخی بر معامله یا مالی بزه . اقدیلر! بو کون ملت بزه  
استناد ایدرک بزم ایچون حیاتی ویر بیور ، مالی ویر بیور .  
بزه بوراده بر پارچه مال ایچون هر شیء یا پیورز .  
طابه من یشنده ، اشیامن یشنده اورایه بورایه قوشیورز .  
( طوغری طوغری سسلری ) بو کون نظامنامه کونی  
دکلدر . دوغری کورلم ، دوغری محاکمه ایدم ،  
ضوغری معامله یا مال . جبهه دن بر عسکر قاجش اولسه  
در عقب اعدام قراری ویر بیورز و قورشونه دیر بیورز .  
بزم وظیفه مز اوندن آشاعیمیدر ؟ او جبهه ده بولان افراد  
ضابطانك وظیفه سنندن ده مهمتر . ظن ایتورم که :  
بزم وظیفه مز اوندن داها آز آغیر اولسون ، چونکه : او  
عسکرک قرادگاهی ، محور عسکرسی بورادر .

( آفرین طوراق بك سسلری ) نظامنامه یی تعدیل  
ایدم . رجا ایدرم افسندیلر! بزه حالا تهاکک  
قارشوسنده بزه . بلکه داها پک مهم کونلر کچیره جکزه ،  
بزم دشمنلر مز چوقدره ، بزی داغیتمق ایتدیلر چوقدره ،  
بویه زمانلرده احتمالکه آرامزه پروباغاندا صوقوب بزی  
داغیده حق حاللر اولور . بزه نوز مهم کونلری کچیرمه دک  
آتمدق . بلکه بویه مهم دوره لر قارشوسنده بولنه جغز .  
بزه بونلری کوزومنك اوکنه کتیره رك وظیفه مزه دوام  
ایتلی بزه . چوق بویه جکدم . فقط بویه مک ایسته میورم

ریاست جلیلهیه

بلا مأذونیت غیوبت ایدن رفقای کرام حقنده نظامنامه نك همان تطیقه هیئت جلیله لرندن و یا خود دیوان ریاستدن مأذونیت آلوده تجاوز ایتدیرنلر حقنده یاییله جق معامله ده صریح اولدیغندن بوندن فضلہ تشہیر موافق اوله میه جغندن بوکی رفقای کرام ایچونده یاییله جق معامله نك دیوان ریاسته تودیغنی عرض وتکلیف ایلم . سینوب حقی حامی

( آکلاشیله مدی سسلری )

رئیس — بالطبع کورولتیلر آره سنده آکلاشیله ماز اقدم .

ریاست جلیلهیه

مذاکره کافیدر . روزنامه مذاکراته کیلمسنی تکلیف ایلمز ۱۲ ایلول - ۳۷ ارطغرل قره سی بوردور قره سی نجیب بصری عاکف علی رضا وهبی

ریاست جلیلهیه

غائب، غیر مأذونلرک دیوان ریاستدن و مجاسدن ویریلن مدت مأذونیتلرینی تجاوز ایتدیرنلر و اولجه مأذونیتلری اولوبده بجران زماننده استعمال ایدنلرک تدقیقه مجلسه عرضنی تکلیف ایلم . غازی عینتاب

یاسین

رئیس — حقی حامی بکک تقریرینی رأیه قویورم . قبول ایدنلر لطفاً ال قالدیرسون : ( رد صدالری ) قبول ایدله مشدر . وهبی بکک تقریری مذاکره نك کفایتنه دائردر . ذاتاً قرار ویردیلر .

خسر و بک ( طرزون ) — اصول مذاکره حقنده سویابه حکم مشله نظامنامه داخلی تطبیق می ایده جکر . یوقسه باشقه بر ماده می یابه جقز ؟ بونی آکلایلم . ایده جکسه ک یاییلان ماده کافیدر . بشقه نه ایستیورز ؟ شگری بک ( قره حصار ) — بونلر تحققتسون بوراده اوقونسون اوندن صکره نه یاییله جقسه یاییلسون ایش بتسون .

رئیس — مساعده ایدر سه کز بنده کز ایضاح ایدم . غائب، غیر مأذون اوله رق هیچ اذن آلمدن کیدن آرقداشلر من واردر . برده عرض ایتدیکم کی مأذونیت آلمش و مأذونیتنی تجاوز ایتدیرمش وار . شگری بکده او فکرده در ظن ایدرم . مدت مأذونیتنی تجاوز ایتدیرنلر وار . بونلرک ایچنده معذرتلری اولانلر وار خسته اولمش قلمشدر . عذر شرعیدر . طبیعی بونلری بیایدیرمش اولانلر واردر . بونلری تحقیق ایتدین هپسنک اسامیسنی بوراده اوقومق طوغری دکادر . اگر مساعده ایدر سه کز دیوان ریاستجه تدقیق ایدم . سنزه بیایدیرم ( های های سسلری ) بو صورتله قبول بیوریلدور می ؟ قبول ایدنلر لطفاً ال قالدیرسون : ( قبول ایدلدی )

اقدم ! بعض حرکات حربیه دولاییسیله جبهه ده بولنان آرقداشلر مزدن بعضلرینک تاغرافنامه لری واردر . مساعده بیورور سه کز اوقویالم . ( های های سسلری ) جبهه قرارکاهی :

تورگیا بویوک ملت مجلسی ریاست جلیله سنه غرب جبهه سی : ق

بویوک بره هارت و عزم و متایتیله سوق و اداره کز سایه سنده آچاق و سفیل دشمنمز باشلر نده ناجی آرتق تماماً مائل انهدام قراللری اولدینی خالد حاسر و فرار حالنده بولنیور . حکومت ملیه سنه ولی دعواسنه اک قدممز تقرینه قدر صادق و مربوط اولان اوچنجی غروب قطعه نی عاجر لر یله برلکده برشوق و مسار نا یخی انتقامنی آملق اوزره دشمنی تعقیبه قویولمش اولدینی خالد ذات سامیلرینه موفقیات جلیله لرندن دولایی کال متتداری ایله عرض تبریکات ایدیور . و حکومت ملیه مزک دعوائی قدسیهی تماماً ایده لیدنچیه قدر بوتون عزم و ایتمایتیله هر دوفندا کارلق و تحمل ایله وظیفه مو دوعسنی ایفایده جکی تأمین ایلیه رک شو معروضات عاجزانه مزک سلام واحترامات منزله برلکده همان محترم مجلس مایمزه ابلاغنی استرحام ایلدور . ۱۲ - ۹ - ۳۷

غروب ق

تورکیا بویوک ملت مجلسی اعضاسندن

یوسف عزت

غرب چهارم سی قرارگاهی ؛

تورکیا بیوک ملت مجلسی رئیس ثانیسی عدنان بك افندی به صورت

باش قوماندان محترم مصطفی کمال پاشا حضرتلرینه دشمنک یاغور کبی یاغان کله لری آلتنده حیاتی استحقاق ایدن مظفر اردونک بو کونکی چکر دکمز کویبی ودعا تپه سی المحه عظیمنده کوستردیکی جلادت تاریخمه بر صحیفه مفجرت دها علاوه ایشدر . بوکره جناب حقتک توفیقی ویاوری هممات قوماندانلر به قازانیلان شو مظفر بتدن دولایی تبریکات عاجزانه می تقدیم و مجلس عالی به لطفاً ابلاغی عرض ورجا ایله تأیید حرمت ایلرم محترم پاشا حضرتلری . ۱۱ - ۹ - ۳۷

فرقه ۱ الای ۱۱ کواکلی افرادندن

بوزفاد معوثی

سایان سری

رئیس — تنسیب بیورورسه کرجواب یازارز .

اوج سنه به محکوم علی بك اوغلی تنورک معلولیتنه بناء بقیه مدت جزائیه سنک عفویته دائر بر لایحه قانونیه وار لایحه انجمنه کوندر بیوروز .

افندم! بعض دیوان ریاست قراروی واردر . ارقداشلردن بعضیلرینک مآذونیتلری حقتنده .

وهی بك ( قره سی ) — افندم ! ملاطیبه ده بیوک بر یانغین ظهور ایتدیکنی غزته لرده کور بیوروز . اگر بویله برانغین اولدینی تحقق ایدیورسه مجلسدن اورا بلدیبه ریاسته تأثر اتمز بیلدیرلسون . ( موافق سلسری )

رئیس — موافق کور بیورورسه کیز بر تغراف یازهم افندم ؟ ( های های صدالری )

دیوان ریاستک مآذونیت حقتنده کی قرارلری

هیئت عمومی به

معذرت مشروعه لرینه منی آتیده اسملری محرر ذواته خذالرنده کوستردیکی مقدارده مآذونیت اعطاسی ۷-۹-۳۷ تاریخی طقوزنجی دیوان ریاست اجتماعده قرار ویرلمش اولمغله کیفیت هیئت عمومی به نظر تصویبده عرض اولتور افندم . رئیس — برررر رأی عالیکزه وضع ایدیورم افندم .

تحسین بك ( آیدین ) — اوج آی . قبول ایدنلر لطفاً اللرینی قالدیرسون : ( قبول ایدلمشدر . )

نوری افندی ( بولی ) — بر آی . ۲۶ اغستوس ۳۷ دن اعتباراً . قبول ایدنلر لطفاً اللرینی قالدیرسون : ( قبول ایدلمشدر )

صبری بك ( قسطنونی ) اوج آی . ۲۶ اغستوس ۳۷ دن اعتباراً . قبول ایدنلر لطفاً اللرینی قالدیرسون : ( قبول ایدلمشدر )

عبدالله افندی ( از میت ) اوج آی . ۲۶ اغستوس ۳۷ دن اعتباراً . قبول ایدنلر لطفاً اللرینی قالدیرسون : ( قبول ایدلمشدر )

عاطف بك ( بازید ) اوج آی . ۲۶ اغستوس ۳۷ دن اعتباراً . قبول ایدنلر لطفاً اللرینی قالدیرسون : ( قبول ایدلمشدر )

قاسم بك ( موش ) اوج آی . ۲۶ اغستوس ۳۷ دن اعتباراً . قبول ایدنلر لطفاً اللرینی قالدیرسون . ( قبول ایدلمشدر . )

برده وهی افندی حقتنده وار افندم او قویالم . هیئت عمومی به

بر آی مدته استیصال ایتدیکی مآذونیتی ۱۸ تموز ۳۷ تاریخده ختام بو لمش اولان قونیه معوثی یالواجلی عمر وهی افندینک دوچار اولدینی راحتسزلغنه منی وطیب رابورینه مستنداً مآذونیتک ختام بولدینی ۱۹ تموز ۳۳۷ تاریخندن اعتباراً تشرین اول بدایتنه قدراییکی آی اون ایکی کون مدته مآذون عدینه دیوان ریاستجه قرار ویرلمش اولمغله کیفیت هیئت عمومی به نظر تصویبده عرض اولتور افندم . تورکیا

بیوک ملت مجلسی رئیس ثانیسی دو قور عدنان

رئیس — عمر وهی افندینک مآذونیتی قبول ایدنلر لطفاً اللرینی قالدیرسون : ( قبول ایدلمشدر افندم ) بر قسم ارقدا . شلمن دها واردر . اولنلری ده او قوبوب رأی . عالیکزه

وضع ایدیورم .

مرعش مبعوثی آرسلان بك برآی . قبول ایدنلر لطفاً  
الارینی قالدیرسون : ( قبول ایدلشدر ) .

کونامیه مبعوثی بسیم آنالای بك ایکی آی . قبول ایدنلر  
لطفاً الارینی قالدیرسون : ( قبول ایدلشدر ) .

رشید بك ( مرعش ) ایکی آی . قبول ایدنلر لطفاً الارینی  
قالدیرسون : ( قبول ایدلشدر ) .

عمر اطفی بك ( قره حصار ) اون بش کون . قبول ایدنلر  
لطفاً الارینی قالدیرسون : ( قبول ایدلشدر ) .

عثمان بك ( قصری ) ایکی آی . قبول ایدنلر لطفاً الارینی  
قالدیرسون : ( قبول ایدلشدر ) .

حمدی نامق بك ( ایزمیت ) اوچ آی . قبول ایدنلر لطفاً  
الارینی قالدیرسون : ( قبول ایدلشدر ) .

نبیل افندی ( قره حصار ) — دها اون بش کون اولدی  
کلهلی رجا ایدرم هم اکثریت ده یوقدر .

رئیس — افندم ! راسم بك ( العزیز ) برآی . قبول  
ایدنلر لطفاً الارینی قالدیرسون : ( قبول ایدلشدر ) .

تحسین بك ( آنطالیه ) اوچ آی . قبول ایدنلر لطفاً الارینی  
قالدیرسون : ( قبول ایدلشدر ) .

راغب بك ( غازی عینتاب ) برآی . قبول ایدنلر لطفاً  
الارینی قالدیرسون : ( قبول ایدلشدر ) .

حمدی بك ( آماسیه ) اوچ آی . قبول ایدنلر لطفاً الارینی  
قالدیرسون : ( قبول ایدلشدر ) .

مصطفی بك ( نوقاد ) — حمدی بكك — مأذونیتنه  
بر یا کلاشلیق اولدی افندم و بو اذن آلانلر  
اساساً بوراده یوقدر .

حمدی نامق بك ( ایزمیت ) — اون یدی آیدنبری  
مأذونیت آلامدم . اکر بر قانون موجود ایسه و او قانون  
نظراً اعتباره آنیورسه بنده استحقاقی ایستورم . بناء علیه  
نیچون آرقداشلر بنده کنزی استئنا ایدیورلر کلامیورم .

بر دفعه دها تکلیف ایدیگز رئیس بك !  
رئیس — افندم ! ایزمیت مبعوثی حمدی بكك مسئله سی  
ا کلاشلیه مدی ظن ایدرم . تکرار رأی عالیکزه عرض  
ایدیورم . حمدی بکه اوچ آی مأذونیتی قبول ایدنلر لطفاً

ال قالدیرسون : ( قبول ایدلشدر )

رئیس — افندم ! آیدین مبعوثی اسعد افدینک بر  
تقریری واردر .

ریاست جلیله

بو یوک ملت مجلسنک ، زیر اداره سنده کی خرسیتیانلر  
کمال حضور و راحتله یشاد قلمری حالده جبهه کیرولرنده  
علی الخصوص آیدینک اووه کویلرنده یونانلیلرک بو کورده  
اون درت قره بی بی طوپله تخریب و جامع شریفله التجا ایدن  
قادین ، ارکک ، معصوم بتون اهالی اسلامیه می مترالیوز  
آتشیهلر ایجا ایتدیکی بیلدیرلمکده در . وارسه ؛ جهان مدنیته  
بو طاققرسا ظالمک بیلدیرلمسی ، معصوم و مظلوم قردا .  
شلمزندن بقیه السیوفک محافظه حیاتلری خصوصنده تدابیر  
لازمه اتخاذی ضمننده اشبو تقریرک خارجیه وکالتنه حواله سنی  
هیئت جلیله دن استرحام ایلرز . ۱۲ ایلول ۳۳۷

ازمیر ازمیر مبعوثی آیدین مبعوثی آیدین مبعوثی  
محمود اسعد حاجی ساچان امین اسعد

آنطالیه قوزان مبعوثی سعرد مبعوثی  
علی وفا مصطفی صبری

رئیس — مستعجلیته خارجیه وکالتنه حواله ایدلمسی  
ایسته یور . مستعجلیته خارجیه وکالتنه کوندیریوروز . سکنا  
قانوننک مذاکره سنه کچوروز .

سکنا ایچون ایجار واستیجار اولنان محللرک  
ایجار بدلاتی حقنده قانون

عدلیه انجمننک تکلیفی :

ماده ۱ — سکنا ایچون عاقدین آراسینده تعاطی  
اولنان مقاوله نامه ده محرر بالجمله شرائطه مستأجر طرفندن  
رطایت ایدانلرک سفر بلك ختامندن برسنه صکره یه قدر  
تخلیه دعوائی مسموع دکلدر .

ماده ۲ — مسققات قانوننک تطبیق ایدلدیکی برلرده  
مأجورک ۳۳۲ سنه سی واردات غیر صافیه سی مقدارینه  
مسققات قانونی تطبیق اولنمیان برلرده او سنه یه مخصوص  
ایجار واستیجار عقدنده محرر اولان مقدارده و بو عقدک  
دخی فقدانی تقدیرنده سنه مذکورده مارتنک برنجی  
کونده کی اجرک مقدارینه بش مثلندن فضله ضم اجرا

اولدینی تقدیرده بوناردن موجرک دیله دیکی نخلیه ایتدیر- یلور. موجر بوصوله نخلیه ایتدیردیکی مأجورنی بالذات وبالفعل اشغال ایتزهسه مستأجر دوچار اولدینی ضرر حقیقی نك تضمینی و مأجورک اعاده کندیسینه تسلیمینی طلبه صلاحیتداردر .

ماده ۸ — مستأجرک اصول و فروعیه زوج و یاخودزوجه سنک اصول و فروعی و قدداشلرندن اولوبده برکونا صنع و تقصیری اولمقسزین مسکنسز قالان و یاخود خارجدن کن مارالذکر درجده اقرباسندن بر شخص و یا عائلهیی مسکن تدارک ایدنجهیه دکن علی طریق المسافر، بلااجرت مأجورده برلکده اسکان ایلمی جائزدر .

ماده ۹ — اجرتلی و اجرتسز مکتبلرله اجرتلی و اجرتسز وخسته خانه لر سکنا حکمندهدر .

ماده ۱۰ — مسکنده اجرای تجارت ایدن مستأ- جرلرک مسکن تجارتنه مخصوص اولوق اوزره بردن فضلله کیمسه مستخدم بولندینی تقدیرده مسکن حکمی جریان ایتز .

ماده ۱۱ — اشبو قانون احکامنجه واقع ایجار و ایتجار دعوالری صلح حاکمیری حقیقده کی قانونه توفیقاً رؤیت اولنور .

ماده ۱۲ — سکنا ایجون ایجار و استیجار اولان محللرک ایجار بدلاتی حقیقده کی ۸ نسیان ۳۳۵ تاریخلی قانون لغادر .

ماده ۱۳ — اشبو قانون تاریخ نسرندن معتبردر .

ماده ۱۴ — اشبو قانونک اجراسنه عدلیه و کیلی مأموردر . ۶ تموز ۳۳۷

کاتب مضطه محرری رئیس  
کنفری سینوب اسکیشهر  
نشأت ناظم محمد شوکت بدل ایجارک تعیین مقدراته مخالفم  
عبدالله عزمی

اعضا اعضا اعضا  
قونیه سینوب قونیه  
موسی کاظم حتی حامی رفیق  
رئیس — افندم ! هیئت عمومی حقیقده سوز

ایدیله من. ۳۳۲ سنه سندن سوکره انشاسی ختام بولسندن و یاخود علاوه توسیع ایدلسندن دولایی واردات غیر صافیه سی اوسنه دفاترنده غیر مقید بولنان مسققاتک سنه مذکورده مارتنک برنجی کوننده موجودتی فرضیه اوچر منلی تقدیر و اساس اتخاذ اولنور . آنجق انشاسی اشبو قانونک مرعیتدن صکره ختام بولان مسا کن اشبو قانون حکمندن مستأدر .

ماده ۳ — اشبو قانونک مرعیتدن اول وقوع بولمن اولان عقد و مقاوله نامه نك حکمی او عقد و مقاوله لرله معین مدت ایجارک انقضاسنه قدر مرعی و معتبردر .

ماده ۴ — مستأجر و یا طالب ایجار اولان کیمسه مأجورک واردات غیر صافیه سی مقداری حقیقده محلی مالیه دائره سندن استحصال معلوماته صلاحیتدار و مالیه دائره لریده بو معلوماتی تحریراً اعطایه مجبوردر . خلاف حقیقت معلومات ویرن مأمورلر کرک اداره، کرک احکام عمومییه توفیقاً مجازات اولنور .

ماده ۵ — اشبو قانونک اعلان مرعیتدن مؤخر بر تاریخده عقد اولنان ایجار مقاولاننده اشبو قانونه مخالف اوله رق وقوعه کن هر نوع تعهدات کأن لم بکنندر .

ماده ۶ — بدل ایجارک زمان تأدیسه حلول ایتدیکی آندن اعتباراً قرق سکز ساعتک ختامه قدر موجر طرفندن مطالبه وقوع بولدینی تقدیرده مستأجر ایام رسمیه تعطیلیه داخل اولماق اوزره قرق سکز ساعتک مرورندن اعتباراً اون بش کون ظرفنده مقاوله نامه سابقه مدتی منقضی اولماش ایسه اجر مسمانی؛ اولمش ایسه بدل ایجار قانونی کی کاتب عدله تأدییه ایتمه مجبوردر . بو مجبوریتک عدم ایفاسی تأدییه دن امتناع عد اولنور . کاتب عدل کندیسینه تودیع اولنان بدل ایجار حقیقده تنقیدانده بولنمه صلاحیتدار اولمایوب ویریلن مبالغی مقبوض مقابلنده قبول ایله مکلفدر .

ماده ۷ — موجرک کندیسنک برمسکی بولنماسندن دولایی؛ مأجورده سا کن اولمقدمه مضطر قالدینی محکمه جه ثابت اولور ایسه مدت ایجارک ختامنده موجر طرفندن بالذات و بالفعل اشغال ایدلک شرطیه مأجور و متعدد



قبول ایدلشددر . بونی احاطه ایتک ایچون بوقانون طبع ایدیلرک برلشدیرلملی . . بیلمه دیکمز بر قانونی نهدن الغا ایدیوروز ؟ اول امرده بونی حقیله مذاکره ایتلی . صوکره عدلیه انجمننک تثبیت ایتدیکی شومواد مهمدر . و قانونک هانکی ماده لرینک تعدیلی لازم کلیورسه اونلری تعدیل ایتلی ز . بویله علی العمیا مهم ومغلق قانون اوله ماز . بو قانونک اساسندن ردایدلمه سنی تکلیف ایدیورم .

رفیق شوکت بک ( صاروخان ) — اصول مذاکره حقنده سوبلیه جکم افندم : اقدم ! اقتصاد انجمنه کیتیمی ایچون بیکدن برقراره لزوم بوقدر .

رئیس — افندم : اقتصاد انجمنه حواله سی تکلیفی رأیگزه وضع ایده جکم : اقتصاد انجمنه حواله سنی قبول ایدنر لطفاً اللرینی قالدیرسونلر : ( قبول ایدلشدرا فندم ) رفیق شوکت بک ( صاروخان ) — بوقرار ویرلمکله برابر بنده کز اطفی بک برادرمنک فکرنده ایم . چونکه : بو مسئله اطرافنده لطفی بک برادرمنک غایت اینی بر تکلیفی وار . قانونک اقتصاد انجمنندن ده استفاده ایتیمی ملاحظو ظدر . بناء علیه لطفی بکک تکلیفنک نظر اعتباره آلتسنی تکلیف ایدیورم .

رئیس — اسکی قانونله برابر یکی قانونی طبع مسئله سی ، بو : کورولمش شی دکلدر . اسکی قانونلر مطبوعدر واسکی مجموعه لرده ؛ دستورلرده موجوددر . طبع مسئله سی ؛ بالخاصه بو کونکی وضعیتمز ایچنده غایت مشکلدر .

علی سروری افندی ( قره حصار شرقی ) — طبعه لزوم بوقدر افندم . دیوان ریاست ایجاب ایدن دائره دن کتیریر . و بوراده او قونور .

رئیس — افندم ! بز اساسی قانونی بولدر منی تعهد ایدرز وائناى مذاکره ده او قانونده بر کره او قونور . اقدم ! قانون دمیسی قرارکز موجبجه بر کره ده اقتصاد انجمنه کیدیورم .

افندم ! روزنامه ده اجرای طایب حقنده بر قانون وارددر . ماده لری بر آرازوندر . وقتده مساعده ایتمه بور . سوز ایسته یئلر وارسه اسملرینی یازدیرسون و ماده لره کچلم . ( ماده لره سسلری )

ایسته ین وارمی ؟ بیورک خلیل ابراهیم بک ! خلیل ابراهیم بک ( انطالیه ) — اقدم ! بنده کز مسئله نک جهت حقوقیه سنی آکلامه دن اول مملکتک حیات عمومی و حیات اقتصادیه سنی تعلق ایتدیکی ایچون بونک اقتصاد انجمنه حواله سنی تکلیف ایدیورم . قبول ایدلمدیکی تقدیرده یته سسوزم محافظه ایدیلرک ملاحظاتی عرض ایلرم .

محمدشکری بک ( قره حصار صاحب ) — مملکتک مسکن بحرانی واردر . و بو غیر قابل انکاردر . فقط ، شو قانونه مسکن بحرانیک اوکنه کچیله جکنه قانع دکلم . مسکن بحرانی بر حادثه اقتصادیه در . حادثات اقتصادیه نک اوکنه جبری قانونلرله کچیله مز . هر حاله بونک اوزرنده یورومک لازم کلیر . سیمدی بر قانون یاپارق هر کس خانه سنی شو فیأئله ویره جکدر . و یابیلان مقاوله نک حکمی کأنلم یکن عدی کبی حقوق عامه یه مخالف بر معامله ایله مسکن بحرانیک اوکنه کچیلیمک غیر قابلدر . بوقانون یابیلیمقله مملکتده منازعه لر آرته جقدر . مملکتده کراجیلر بو کون او بولیورسه او وقت او قطعاً بوله میه جقدر . و بولق امکانی بولیمیه جقدر . افندیلر ! بیلوروزکه : بوراده بو کون برأوده اوچ عالیه او طور بیور . او صاحبی آلت قاتنده کی ایکی ویا بر او طه ده او طور دینی حاله دیکر او طه لرینی ایجاره ویریور . او وقت ایجاره ویره جکمیدر ؟ بر منفعتی مقابلنده اوست قانده کی او طه لری اولجه کندی مسکنندن آیریورودی . مسقات ویرکو- لرینک اوزرینه بش مثل ضم ایدلمکله او صاحب لری ده بش مثل ایجاره آلمقده در .

نه منفعتی واردرکه : بر اچ او طه یی مسکنندن آیریسون ، ایجاره ویرسون . صوکره : ایکنجه بر ضرردها اوله جقدر . او نقطه نظریمی ماده لره عرض ایدرم . اقتصاداً ، حقوقاً غایت مضرتی اولان بر قانونک ردینی تکلیف ایدرم .

لطفی بک ( ملاطیه ) — بزسکننا قانونی لغو ایدیوروز . صوکره اونک مقامنه قائم اولق اوزره بو قانونی تنظیم ایدیوروز . مسئله یی لایقیله احاطه ایتشمی بز ، بیلدیورمی بز ؟ اوت بیلمه یوروز . بوقانون اوچوز او توز بش سنه سننده

او حاله ماده لره کچیلیمسی قبول ایدنلر لطفاً اللربنی  
ایتمک اوزره جلسه نی تعطیل ایدیورم .  
جلسه ختامی : ساعت ۵,۴۵

او حاله ماده لره کچیلیمسی قبول ایدنلر لطفاً اللربنی  
قالدیرسون : ( ماده لره کچیلیمسدر اقدم ) ( صحیه و کیلی  
موجود دکل سهاری )

